


**AWIG-AWIG  
DESA ADAT TUMBAKASA**



**DESA SEBATU  
KECAMATAN TEGALLALANG  
KABUPATEN GIANYAR**

P I D A G I N G

MAKA BANTANG AWIG-AWIG DESA ADAT TUMBAKASA

-----  
MURDDHA - CITTA

	WIDANG
PRATHAMA SARGAH    ARAN LAN WAWIDANGAN DESA	1
DWITYA SARGAH      PATITIS LAN PAMIKUKUH	2
TRITYA SARGAH      SUKERTA TATA PAKRAMAN	2
Palet 1 Indik Krama .....	2
Palet 2 Indik Prajuru / Dulun Desa.....	6
Palet 3 Indik Kukul .....	8
Palet 4 Indik Paruman .....	9
Palet 5 Indik Druwen Desa .....	10
Palet 6 Sukerta Pamitegep .....	11
Kaping 1 Karang, tegal lan carik ...	11
Kaping 2 Pepayonan .....	12
Kaping 3 Wewangunan .....	13
Kaping 4 Wewalungan .....	14
Kaping 5 Bhaya .....	14
Kaping 6 Panyanggran Banjer .....	16
CATHURTAS SARGAH    SUKERTA TATA AGAMA	
Palet 1 Indik Dewa Yadnya .....	16
Palet 2 Indik Resi Yadnya .....	19
Palet 3 Indik Pitra Yadnya .....	19
Palet 4 Indik Manusa Yadnya .....	23
Palet 5 Indik Bhuta Yadnya .....	24
PANCAMA SARGAH      SUKERTA TATA PAWONGAN	
Palet 1 Indik Pawiwahan .....	25
Palet 2 Indik Nyapian .....	27
Palet 3 Indik Sentana .....	28
Palet 4 Indik Warisan .....	30
SAT SARGAH            WICARA LAN PAMIDANDA	
Palet 1 Indik Wicara .....	31
Palet 2 Indik Pamidanda .....	32
SAPTAMA SARGAH      NGUWAH-NGUWUHIN AWIG - AWIG	33
ASTAMA SARGAH        S A M A P T A	34

MURDHA CITTA

AUM, OM

Om Swastyastu, Om Awighnamastu Nama Siddham,

Malarapan panghyangning Ida Sang Hyang Widhi Wasa, aeung kerta nugraha ngawentenang kahuripan sakala niekala, ring Bhuwana Agung lan Bhuwana Alit. Manut dresta desane wantah pawakan pasayuban Krama Desa rawuhing kula warga pawonganya. Desane kamanggehang Bhuwana Agung, pawonganya sowang-sowang pinaka Bhuwana Alit.

Sotanin Bhuwana Agung desane wantah pawakan Bhawa maurip, jangkep saha Tri Hita Karananya, luwire :

- ha. Parhyangan, sahananing kahyangan, panyiwian desa genah ngarcana Ida Hyang Parama wiseesa, maka jiwane desane.
- na. Pawongan, krama saha warga desa maka sami pawakan Bayu Pramana (Tri Kaya) mawinan desane sida molah maprawerti.
- ca. Palemahan, tanah kakuwuban desa, sinanggeh stula sariraning desane.

Adung patemon bhuwana kalih, larapan santa jagadhita, sinanggeh murdhaning prayojana pangriptaning Awig-awig Desa Pakraman ring sabha krama Desa Adat Tumbakasa.

Pamutus sabha inucap pinaka sepat siku-siku pamatut, wastu prasida prayojanan mami kabeh prasama anghidep muwah amagehaken kadi linging Awig-awig iki.

PRATHAMA SARGAH

ARAN LAN WAWIDANGAN DESA

Pawos 1

(1) Desa Adat Puniki mawasta Desa Adat Tumbakasa.

(2) Jebar kakuwub wawidangannya mawates nyatur :

- ha. Ring sisih Wetan Desa Adat Kebon;
- na. Ring sisih Kidul Desa Adat Kebon;
- ca. Ring sisih Kulon Desa Adat Pakudul;
- ra. Ring sisih Lor Desa Adat Kedisan;

(3) Desa puniki kawangun antuk karang ayahan Desa lan karang gunakaya wantah siki Banjar.

(4) Kakuwub wawidangan Desane, manut dresta luwire :  
ha. Papupulan karang paumahan, sinanggeh palemahan Desa pakraman;  
na. Setra, carik miwah tegal ring kakuwub wawidangan Desa sajabaning palemahan Desa Pakraman manggeh telajakan Desa;

(5) ha. Awig-awig, Pararem miwah sahanan paswaran Desane, manggeh kajejerang ring kakuwub wawidangan Desane sami;  
na. Awig-awig miwah pararem Subak ring telajakan Desane tan maren manggeh kainggilang.

DWITYA SARGAH.....

DWITYA SARGAH  
PATITIS LAN PAMIKUKUH

Pawos 2

Desa Adat Tumbakasa ngamanggehang pamikukuh minakadi :

- ha. Pancasila ;
- na. Undang-undang Dasar 1945 pamekas Pasal 18;
- ca. Perda Propinsi Daerah Tingkat I Bali No. 06 Tahun 1986;
- ra. Tri Hita Karana manut sada cara Agama Hindu.

Pawos 3

Patitis Desa Adat Tumbakasa luwire :

- ha. ngukuhang miwah ngrajegang Sang Hyang Agama;
- na. nginggilang tata Prawertine maagama;
- ca. ngrajegang kasukertan Desa saha Pawongannya sakala lawan niskala;
- ra. ngrajegang tata sangaskaraning pawongan, pamekas sane ngiket pakulawangan;
- ka. ngrajegang kasukertan saraja druwening Desa miwah druwening pawongania sami.

TRITYA SARGAH

SUKERTA TATA PAKRAMAN

Palet 1

Indik Krama

Pawos 4

- (1) Sane kabawos Krama Desa inggih punika kulawarga sane maagama Hindu saha ngamong karang desa utawi karang gunakaya, jumenek wiadin madunungan sajeroning palemahan Desa Adat Tumbakasa.
- (2) Sajaba punika sinanggeh tamiyu, sane kabinayang dados kalih inggih punika sane maagama Hindu, miwah siwosan ring maagama Hindu.
- (3) Indik Tamiyu punika manut pararem.

Pawos 5

Krama Desa Adat Tumbakasa puniki wenten tiyang pawos luwire :

ha. krama Desa, inggih punika kulawarga sano sampun majangkepan;

na. krama.....

- na. krama balu, tegesnia krama ngarep utawi krama ngempi silih tunggil lanange utawi istrine sampun lampus utawi sangkaning nyapihan ;
- ca. krama Tapukan inggih punika :
- 1) krama sane durung antes ngayah katinggal olih yayah renarya, gumentos antes ngayah;
  - 2) krama sane katiben gering mawastu nenten marasidayang ngayah, gumentos waras. Sakemawon yan prade sang katiben pinungkan punika madruwe oka utawi pianak sane sampun antes ngayah, sang sungkan punika polih tetapukan wantah tigang sasih;
  - 3) krama Tapukan mamungkul utawi nyibakin, yan sentananya sampun antes ngayah, sakemawon kantun masekolah, kekaninin pamogpog manut ungguhan lan pararem.

Pawos 6

Ngawit dados Krama Desa/Banjar :

- ha. mawiwit maparabian tur tedun rikala Purnamaning Kadasa;
- na. mawiwit jumenek sajeroning palemahan Desa Adat Tumbakasa;
- ca. malarapan antuk pawiwahan pratisentana (ha) miwah (na) ring ajeng;
- ra. sahanan warga Desa sane jumenek ring wawengkon Desa Adat Tumbakasa, patut satinut ring kecaping Awig-awig, pararem lan paswaran sane sampun kamanggehang.

Pawos 7

Panamaya tedun makrama Desa/Banjar :

- ha. Malarapan antuk pawiwahan kekawitin ring rahina Purnamaning Kadasa;
- na. Malarapan antuk patilar rahayu saking warga Desa tiyosan, prade pacang jumenek patut risampun mawaneng 42 rahina saking atur supeksa ring prajuru Desa Adat, saha nawur panaub/pamogpog manutin pararem, tur sumanggup nganutin saurah arih daging Awig-awig, pararem lan paswaran desa sane kamanggehang olih krama Desa.

Pawos 8

Sahanan Krama Desa keni tategenan sakadi ring sor :

- ha. ayah deas saking krama ngarep, keni ayah miwah pawedal mamungkul;
- na. ayah tekell (pangrombo), saking krama balu, keni ayah miwah pawedal manut pawongania, napike lanange utawi istrine sane lampus. Prade balu ngalintik, keni ayah nyibakin, sakemawon yan ayah lanang utawi istrine sane nenten wenten ngayahang, punika kakeninin pamogpog manut pararem. Yaning balu punika ngempu, sang balu punika keni ayah mamungkul yan prade empu-empuane sampun antes ngayah;
- ca. ayah roban saking kulawarga dandanan utawi roban sane sampun manggeh mayusa sakirang ipun 6 (enem) warsa, tur kapupulang soang-soang dados pasekaa-sekaan manut wigunania;
- ra. prade rikalaning ngayah wenten sinalih tunggil krama matilar tanpa sadok sadereng puput karya, wenang krama inucap keni pamidanda tanjeklaler utawi tinggaltarung, manut pararem.

Pawos.....

Pawos 9

Swadharman Krama, sewosan ring tategenan, luwire :

- ha. Tinut saturut ring sadaging Awig-awig, pararem lan paswaran Desa;
- na. Tan maren ngutsahayang mangda Desane mrasidhayang nyujur manut patitis;
- ca. Tinut saturut ring Guru Wiseesa.

Pawos 10

Swadharman Tamiyu, luwire :

- ha. Tinut saturut ring yasa kertin Desane;
- na. Tan piwal ring sadaging Awig-awig, pararem lan paswaran Desa;
- ca. Nyadokang raga ring Prajuru arahina sasampun jumenek malarapan antuk ilikita pastika saking desane utawi sang ngawawenang;
- ra. Yan tan tinut pacang kairid (tan kadadosang jumenek ring Desa);
- ka. Indik tamyu punika manut pararem.

Pawos 11

Piolih-olihan Krama :

- ha. Polih pasayuban sakala niskala tur kabawosin saha katiwakin pamutus sahanan wicaranya;
- na. Nyarengin paruman tur wenang sareng mastikayang pamutus;
- ca. Kadadosang madeg Prajuru, manut pararem.

Pawos 12

Krama Desa kadadosang :

- ha. mapawangkid utawi tan tedun :
  - 1) rikala ngakerebin Piasan, Gedong/meten, Bale Dangin, Jineng/kelumpu;
  - 2) Mayadnya sanistania antuk banten Rosan, sasuwenipun tedunan apisan, sajawaning ring rahina Tumpek Wariga (Tumpek Pangarah), Galungan lan Tumpek Kuningan;
  - 3) Piodalan ring Pamrajan/Sanggahnya salami tedunan apisan;
  - 4) Rikalaning nunas bawos (mamasar) salamania arahina;
  - 5) Rikalaning matepetin sungkan sane magenah ring dura Desa;
  - 6) Rikalaning matepetin sungkan sajeroning paumahan, sasampun wenten kabebasan saking Prajuru;
  - 7) Rikalaning ngater anak sungkan;
  - 8) Rikalaning kezengan ring sang Rumawos;
  - 9) Pacang ngamargiang utusan Desa/Banjar sane mabuat, arahina sadereng mamargi;
  - 10) Ngingsirang puri/umah salaminipun arahina.
- na. Nyade utawi nyuksukin sane kawenangang sasampun manggeh deha Taruna utawi mresidayang nganutin krama.

ca. Malaga.....

- ca. Malaga utawi ngentosin ayah-ayah anuk artha brana manut paetangan, manawita kajudi olih sang Maweng Rat utawi sane mabuat lianan sasampun polih kabebasan saking I Kerama Desa.
- ra. Agung alit pamalagane inucap manut pararem.
- ka. Yan wenten silih tunggil krama sampun werda tur katah madruwe sentana, wenang I Krama Desa nyudi silih tunggil sentanania mangda nyade/nyaladihinin sang werda inucap.

Pawos 13

- ha. Wusan dados Krama Desa luwira :
  - 1) Sangkaning pinunas ngaraga, manawi kabeh kadura Desa utawi nglangkungin sagara.
  - 2) Sangkaning kanorayang, duwaning sampun tan prasida ngebehin solah, maprawerti satata nguwug kecaping Awig-awig.
- na. Sang wusan makrama Desa :
  - 1) Patut ngaturang karang ayahan desa ring krama desa prade karang punika karang desa;
  - 2) Tan polih pah-pahan sakancan padruwean desa;
  - 3) Tan polih pasayuban sajronin ala ayu;
  - 4) Sang wusan makrama Desa/Banjar prade mawali malih patut nawur saurah arih tategenan krama manut pararem.
- ca. Sang Wusan sangkanin kanorayang, prade mawali malih patut :
  - 1) Muntasang saluwir pamidanda utawi tategenan sane ngranayang kanorayang;
  - 2) Nunas geng pangampura ring paruman Desa maduluran panyangas-kara panyapeap kaiwangan, duwaning nguwak pasubaya pecak.

Pawos 14

Sane kasinanggeh tamiyu kapalih kadadosang kalih pawos :

- ha. Sane maagama Hindu :  
Ngarawuhin pakulawarganya sane wenten ring Desa Adat Tumbakasa, arep mawirasa miwah ngaturang bakti ring Kahyangan sane wenten sajeroning Desa Adat Tumbakasa polih waneng wantah 42 rahina. Yan prade langkungan ring punika patut keni beya pacalang nangken ngasasih manut pararem.
- na. Sane nenten maagama Hindu, manawita :  
Mawirasa utawi ngarereh karya, waluya kasinanggeh tamiyu saha patut nginutin kecap aksara a ring ajeng.

Pawos 15

Swadharmaning Krama Desa/Banjar miwah tamiu luwira :

- ha. Krama Desa/Banjar :
  - 1) Dreda atuwang ring Desa/Banjar;
  - 2) Tinut satinut ring daging Awig-awig, Pararem lan Paswaran Desa ;
  - 3) Tan maren ngutsahayang mangden Desa/Banjar wiadin jagate gemuh landuh kertha raharja.

na. Tamiyu.....

na. Tamiyu :

- 1) Tinut ring tatiwak Desa ngupadi kasukerta sakala;
- 2) Tan wenten tungkas ring sapamargin kertin Desane.

Pawoe 16

Patuas wiadin olih-olihan Krama Desa/Banjar luwire :

ha. Polih pasayuban Parajuru, ngamanggehang patitis Pawoe 3 ring ajeng, kabawosin tur katiwakin pamutus bahananing wicabranya.

na. Nyarengin paruman Desa/Banjar saha wenang mastikayang pamutus bebawos.

Palet 2

Indik Prajuru Desa

Pawos 17

(1) Desa Adat Tumbakasa kaenter olih Bendesa Adat;

(2) Banjar kaenter olih Kelihan Banjar;

(3) Bendesa lan Kelihan patut :

ha. Mawiwit saking krama ngarep, tan cedangga, tur uning ring aksara;

na. Bendesa Adat kaadegang malarapan antuk kacatri olih Paruman Desa nyabrar 5 (limang) warsa, sajawaning wenten parindik tiwos tur kangkat kacatri malih;

ca. Maduluran Dewa Saksi (Mawinten) ring Pura Desa.

(4) Kelihan Banjar tunggil ring Kepala Dusun/Banjar :

ha. Kaadegang malarapan paingkup Kerama Banjar, miwah Guru Wisesa ;

na. Maduluran Dewa saksi (mawinten) ring Pura Dalem.

(5) Sinoman utawi saya kamanggehang manut ririgan, tur magentos nyabran ngasasih nangken pasangkepan.

Pawos 18

(1) Bendesa Adat kasanggra olih :

ha. Patajuh;

na. Panyarikan, pinaka juru surat;

ca. Artha raksa, pinaka juru raksa raja brana padruwen Desa;

ra. Kasinoman/Saya janggi, pinaka juru arah lan ngawacak Kerama Desa.

(2) Kelihan Banjar kasanggra olih :

ha. Panyarikan, pinaka juru surat;

na. Artha raksa, pinaka juru raksa;

ca. Patajuh sane ngelaksanayang upakara upakara yadnya;

ra. Patajuh sane ngalaksanayang wewangunan;

ka. Sinoman/Saya janggi, pinaka juru arah lan ngawacak Kerama Banjar;

da. Pacalang, pinaka patelik.

(3) Sajeroning.....

- (3) Sajeroning ngenterang kasukertan niskala, Bendesa Adat miwah Kelihan Banjar patut nginggilang Pemangku Kahyangan Desa, lan Panyarikan Pura.

Pawos 19

- (1) Swadharmaning Bendesa miwah Kelihan :  
ha. Ngalaksanayang/ngenterang daging Awig-awig, pararem miwah paswaran Desa/Banjar;  
na. Ngenterang/ngetangang padruwean Desa/Banjar;  
ca. Nuntun/ngenterang krama rawuhing warga Desa/Banjar ngupadi kasukertan sakala niskala manut patitis;  
ra. Nuntun saha nyaksinin tatacara sangsakaraning kahuripan sane mabuat, bilih-bilih sane ngilitang sulur pakulawargan;  
ka. Mawosin kalih niwakang pamutus wicara mantuka ring Krama sami;  
da. Maka dutta Desa/Banjar matemuang bawos ring sapa sira ugi.
- (2) Swadharmaning Panyarikan :  
Ngalaksanayang pailikitan miwah sareng ngenterang karahajengan Krama Desa/Banjar sami.
- (3) Swadharmaning Pamangku :  
ha. Ngenterang pujawali ring Kahyangan manut gegambelan;  
na. Nitenin wiadin nuntun kasucian Kahyangan;  
ca. Ngalaksanayang/ngenterang Yadhya, manut sapakoning Bendesa/Kelihan.
- (4) Swadharmaning Kubayan :  
Nuntun pamargin Agama/Adat lan Padewasan sajeroning Desa-Desa Adat ring sor :  
ha. Desa Adat Talepud;  
na. Desa Adat Tumbakasa;  
ca. Desa Adat Bonjaka;  
ra. Desa Adat Belong;  
ka. Desa Adat Tebuana;  
da. Desa Adat Sangkaduan;  
ta. Desa Adat Let;  
sa. Desa Adat Pakuseba;  
wa. Desa Adat Taro Klod.
- (5) Swadharmaning Saya/Sinoman :  
Ngalaksanayang sapakoning Prajuru;
- (6) Swadharmaning Pacalang :  
Maka Patelik kasukertan Desane;
- (7) Yaning Prajuru nilar swadharma utawi sesana, keni pamidanda nikel ring dosaning Krama manut dudonan saha kengin kawusang manut pararem;
- (8) Tatacarane ngalaksanayang swadharma muang sesana tan maren kaanutang ring Awig-awig, Pararem, Dresta miwah Paswaran Desa muang Banjar.

Pawos.....

Pawos 20

- (1) Prajuru kagentosin riantukan :  
ha. seda/padem;  
na. Kanorayang dwaning iwang pamargi utawi nilar sesana;  
ca. Wit sangkaning pakayun rahayu utawi pinunas ngaraga.
- (2) Nganorayang utawi ngentosin Prajuru patut sajronin paruman tur kaingkupin olih Krama Desa/Banjar.

Pawos 21

- Patias utawi olih-olihan Prajuru Desa luwire :
- ha. Luput saluwiring reramon;
  - na. Polih pangangkepan/tanding tengah/cenengan;
  - ca. Patias sewosan manut pararem.

Palet 3

Indik Kulkul

Pawos 22

- (1) Kulkul ring Desa Adat Tumbakasa wenten 4 (petang) pawos :  
ha. Kulkul Desa Adat;  
na. Kulkul Banjar;  
ca. Kulkul Subak;  
ra. Kulkul Pasekaa-sekaan;
- (2) Tatepakan kulkul Banjar matewos-tewosan manut tatujon :  
ha. Tengeran ngayah : kalih tulud lambat;  
na. Tengeran ngamedalang rare : Tung2, Tung2, Tung2;  
ca. Tengeran wenten lampus : Tung3, Tung2;  
ra. Tengeran Nganten/pawarangan : Tung3, Tung3, Tung;  
ka. Tengeran umah puwun : Tung, Tung, Tung,.....(bulus);  
da. Tengeran kamalingan : Tung3, Tung3, Tung3,...(bulus);  
ta. Tengeran wenten jatma ngamuk : Tung2, Tung2, Tung2,...(bulus);  
sa. Tengeran nimbang rare : Kalih tulud lambat nanggu 5 (limang) klentungan;  
wa. Tengeran naur sewan listrik : Kalih tulud lambat, nanggu 4 (petang) klentungan;  
la. Tengeran ngurungang patedunan : Tigang klentungan lambat.  
ma. Tengeran Lindu Bhaya, Pawana Bhaya, Er Bhaya : Tung,Tung,Tung,Tung Panjang.
- (3) Tabuh tatepak kulkul Desa taler mateosan manuting tatujon :  
ha. Tengeran Puja-wali : Nungting rikalaning Ida Bathara katuwur, maseucian,mapepadan, ngaturang pujawali miwah nyineb;  
na. Tengeran tedun ngayah : Kalih tulud lambat;  
ca. Tengeran ngurungang patedunan : Tigang klentungan lambat.
- (4) Surya Gra, Bulan kepangan,Nungtit.

Pawos.....

Pawos 23

- (1) Kukul Desa utawi Banjar tan wenang katepak yan tan sangkaning pituduh Parajuru, sajawening tengeran bhaya;
- (2) Sang nepak kukul tan sangkaning pituduh, patut digelis atur supeksa maka buatan panepake, yan tan asapunika, wenang sang mamurug keni pamidanda manut pararem;
- (3) Kukul sekaa-sekaa samalih kukul pondokan tan kalugra nyawerin (matehin) sukat utawi tengeran kukul Desa/Banjar, yan mamurug taler keni pamidanda manut pararem.

Palet 4

Indik Paruman

Pawos 24

- (1) Paruman/Sangkepan ring Desa Adat Tumbakasa luwire :
  - ha. Paruman Desa/Banjar/Subak kawentenang :
    - 1) Nyabran ngasasih, makacihna tanpa arah-arah, dwaning sampun panamaya manut pararem soang-soang;
    - 2) Napkala (Padgatakala) maka jalaran kukul entenan/arah-arah manut tatujon.
  - na. Sangkepan Krama Desa lan Banjar kawentenang nangken Anggara Kliwon;
  - ca. Sangkepan Parajuru Desa/Banjar/Subak kawentenang manut wiguna;
  - ra. Sangkepan sekaa-sekaa kawentenang manut babuat.
- (2) Paruman Desa utawi Banjar madudonan sakadi ring sor :
  - ha. Prasida lumaksana risampun katedunin olih sang patut ngami-letin, kamanggalain antuk tengeran kukul, saha mabusana sergep tur nyungklit, tan kalugra makta kekaryan sambilan sakaluwire;
  - na. Tan maren ngarcana ring Ida Bhagawan Panyarikan maka sarana Widhi Widana Cane;
  - ca. Masarana antuk Janggi maka pangawit kalaksanayang panyacak sep-sepan saha kalanturang antuk nyacak dadosan gung alit manut pararem;
  - re. Tan kayogya ngamedalang swara gora utawi byuta, yan wenten asapunika keni pamidanda beya pacamil kadi dandaning nguman-uman ring sabha;
  - ka. Pamutus bebawos beriuk sapanggul (ingkup) punika sane kamanggehang;
  - da. Sahananing bebawos sane sampun kaputusan ring paruman mawastu wenten silih tunggil krama ngucapang pamutus peparuman punika nenten patut, wenang wong inucap kakaninin pamidanda pacamil kadi dandaning nguman-uman ring sabha.
- (3) Prade daging paruman punika nenten kaingkupin, mangda Parajuru Desa ngutsahayang ngilikang bebawose, saha pamutusnya mangda kararemin olih Kerama Desa, bilih tan prasida kasungkemin jantos ping tiga, wenang I Parajuru nunasang ring Sang ngawawenang.

Pawos.....

Pawos 25

- (1) Sajeroning paruman Desa, Bendesa patut nambiakang pamargin pangentere, pamakas nganinin Indik :  
ha. Ngunjuk lungsur pakraman saha ayah-ayahan, sulur artha brana padruwean Desa miwah sane lian-lianan.  
na. Rencana Parajuru nganinin Indik usaha Desa kapungkur ipun.
- (2) Pamutus paruman Desa sinanggeh pararem maka pamitegep daging Awig-awig.

Pawos 26

- (1) Paruman Parajuru Desa kawenanganya wantah ngarincikang pangrencana usaha Desane kapungkur.
- (2) Paruman Parajuru Desa tan kawenang ngamedalang tategenan ring I Kerama Desa sadereng Kaingkupin sajeroning paruman Desa.
- (3) Pamutus paruman Parajuru Desa sane mawiwit pituduh Sang Mawangrat, taler kasinanggeh paewara.
- (4) Paruman Parajuru kawentenang sanistane ngenem sasih apisan bilih-bilih kengin padgata manut wiguna.

Pawos 27

- (1) Pasangkepan sekaa-sekaa kawentenang ngesasih utawi padgata kala manut tatujon wigunanya soang-soang.
- (2) Nangken sangkepan sekaa patut atur supeksa rihin ring Parajuru Desa utawi Banjar mangda prasida tan lempas ring patite Pawos 3 (tiga) ring ajeng.

Palet 5

Indik Druwen Desa

Pawos 28

Padruwean Desa Adat Tumbakasa kawentenan ipun sakadi ring sor :

- ha. Kahyangan luwire : Pura Desa/Baleagung, Pura Puseh, Pura Dalem, Pura Taman, Pura Ulun Suwi;
- na. Bale Patemon asiki magenah ring Jaba Pura Puseh Tumbakasa;
- ca. Pakarangan Desa makatah 33 karang;
- ra. Setra asiki;
- ka. Pura Praja pati asiki.
- da. Laba Pura marupa carik magenah ring :
  - 1) Subak Sebatu No : 93, tempek Tumbakasa, Laba Pura Puseh Tumbakasa pipil Nomor : 723 persil 151 Sp. Kelas II linggah 0,250 Ha.  
Wates-wates ipun :

Sisi kaler	: I Ciri.
Sisi kangin	: I Dehen.
Sisi klod	: I Kepung.
Sisi kauh	: Tegal.
  - 2) Subak.....

- 2) Subak Cebok No: 100, Laba Pura Dalem pipil nomor : 121, persil 27 Sp. Klas II linggah 0,250 Ha.  
Ates-wates ipun :  
Sisi kaler : Sw.  
Sisi kangin : Margi.  
Sisi klod : I gargar Cebok.  
Sisi kauh : D 36.
- 3) Sajawaning punika taler wenten telajakan pakarangan Desa sane marupa Teba.
- 4) Lelangon makadi unen-unen lan ilen-ilen luwire :  
ha. Gong.  
na. Angklung.  
ca. Barong Macan.  
ra. Baris Tumbak.  
ka. Baris Pendet.  
da. Rejang lilit.  
ta. Rejang oyod padi.  
sa. Legong keraton miwah sane lian-lianan.

Pawos 29

- Piolihi-olihi Desa Adat Tumbakasa, luwire :  
ha. Piolihi-olihi saking laba Pura.  
na. Urunan Krama Desa Adat.  
ca. Paica saking Guru Wisesa.  
ra. Paica-paica siosan, sane patut.  
ka. Usaha Desa.

Pawos 30

- (1) Prajuru Desa wenang ngetang pangupon-upon Laba Pura lan sapanunggilan padruwean Desane;
- (2) Pikolihi lan upon-upon laba Pura inucap kaanggen prabeya piotalan saha wewangunan ring Pura;
- (3) Nyabran pasangkepan/paruman Desa, Bandesa/Kelihan patut nguningayang pariindikan munjuk lungsur padruweane ring I Kerama Desa/Banjar;
- (4) Sakaluwiring padruwean Desa/Banjar patut wenten ilikitania;
- (5) Tan kalugra ngadol utawi ngesahang padruwean Desa yan tan kasungkemin olih I Krama Desa/Banjar.

Palet 6

Sukerta Pamitegep

Kaping 1  
Karang Tegal lan Carik

Pawos 31

- (1) Kerama Desa pangamong Karang Desa utawi karang gunakaya, patut ngawatesin karang inucap antuk tembok utawi pagehan/turus mangde pakantenanya asri;

(2) Wates.....

- (2) Wates sisi kaler miwah kangin kakaryanin olih sang ngamong karang inucap, reh punika mawaasta gegaleng kaluwan;
- (3) Prade karasayang pagehan/turus inucap ngalikadin, yan sami arsa panyandinge, kengin watese ngangge pinget kewanten, kasaksinin olih prajuru;
- (4) Prade wenten karang embet, patut kautsahayang olih I Parajuru mangden wenten pamargin ipun;
- (5) Prade wenten karang kabebeng (tan wenten pamargin toya sabeh) mangda kautsahayang pangutangan toya manut paigum;
- (6) Tegat miwah carik patut megaleng ring genahne soran;
- (7) Wates carik miwah tegal kengin ngangge pagehan, yan kaprasida mangda ngangge balok beton saking sang ngawawenang.

Pawos 32

- (1) Sinalih tunggil Krama Desa/Banjar tan kalugra :  
ha. Ngalah-alah margi, karang ayshan Desa, tegal miwah carik;  
na. Ngalah-alah tanah linggih Kahyangan, tegak Setra miwah sakan can linggih sane kasinanggeh suci.
- (2) Prade wenten malaksana kadi munggah ring ajeng, keni pamidanda manut pararem saha ngawaliang sane kaalahang punika, miwah maduluran upakara pamrayascita prade ngelahlah tanah suci.

Pawos 33

- (1) Sinalih tunggil Krama Desa tan kalugra ngadol wiadin ngantahang pakarangan utawi tanah Desa, riantukan tanah punika kabanda antuk ayahan;
- (2) Karang wiadin tanah Desa punika dados kaserahang ring anak lian kemawon sang narima paserah punika yogya narima ayahan/tategenan sakadi patut ipun;
- (3) Silih tunggil Krama Desa sane celed ring ayah wenang katiwakin pamidanda manut pararem. Yaning jantos awarsa celed ring ayah miwah pawedal nenten sangkaning panugrahan Parajuru Desa, wenang karang wiadin tanah Desa punika kadaut olih I Krama Desa.

Kaping 2

P e p a y o n a n

Pawos 34

- (1) Ngawit nandur pepayonan tanem tuwuh sukat ipun nenten kirang ring adepa agung (1,5 meter) ngajeroang saking wates. Prade wenten jantos ngalintangin wates wenang kasepat gantungin.

(2) Yaning.....

- (2) Yaning wenten tetanduran ngungkulin mawastu mayanin kapisaga patut sang kaungkulin digelis ngawara antuk paiguman salantur ipun mangda prasida sang nruwenang taru punika digelis ngebah utawi notor.
- (3) Prade sampun kawara taler tan wenten usaha sang nruwenang wit taru punika, sang rumasa katetehan/kajerihan wenang masadok ring Parajuru, tur sesampun kaparitetes yukti sakadi pangaloke, wenang I Parajuru ngandikayang mangda sajeroning tigang rahina wit taru punika kakawonang. Yan sang madruwe tiwal ring pamutus Parajuru, wenang sang katetehan utawi kajerihan ngawonang wit taru punika saha ngambil tarunia.
- (4) Sane keni pamidanda panyangaskaran saha prabya manut pararem makadin ipun :
  - ha. Sang nruwenang wit taru sinanggeh mayanin, prade pungkut ngarubuhin wewangunan anak tiwos.
  - na. Sang notor, munggul wiadin ngebah taru prade pungkut tur ngarubuhin padruwean anak tiwos.
- (5) Prabeya panyangaskaran, inggih punika :
  - ha. Yan kamargiang sajeroning tigang rahina, kengin antuk ayam Brumbun asiki sakadulurenya.
  - na. Yan langkungan ring tigang rahina patut kamargiang antuk Mancasata.
  - ca. Sahananing sane karubuhin/karusak patut kabecikang malih olih sang ngarubuh/ngarusak.
- (6) Krama Desa patut ngamanggehang kawerdian tanem tuwuh, sane ngawinang Desane asri.

Kaping 3

W e w a n g u n a n

Pawos 35

- (1) Yan pacang mapawangun patut :
  - ha. Masadok ring Parajuru, yan prade wewangunan punika nganinin wates.
  - na. Ngangge sukat Asta Bumi miwah gagulak Asta Kosali, sanistania manut ring Patitis niskala;
  - ca. Tan kayogya nyayubin kapisaga.
- (2) Prade wewangunan punika jantos nyayubin bilih-bilih temboke ring telenging wates, risampun kawara taler nenten karinguang mawastu indik punika ngalantur kasadokang ring Parajuru wenang wenang sang madruwe wewangunan punika keni pamidanda manutin pararem saha tembok inucap kagubar utawi sanistane mangda kakar-yanang abangan.

Kaping.....

Kaping 4

W e w a l u n g a n

Pawos 36

- (1) Warga Desa sane miara saluwiring wewalungan patut sayaga nitenin negul utawi ngelogor mangda nenten ngarusak karang utawi pabianan krama tiwos bilih-bilih jantos ngaranjing ngaletihin Kahyangan.
- (2) Prade wenten wewalungan malumbar wiadin ngeleb ngarusak pakarangan/pabianan krama tiwos risampun kawara taler nenten karinguang, kengin wewalungan punika kataban. Sang madruwe wewalungan wewalungan punika keni pamidanda ngewaliang sane karusak miwah nawur panebas wewalungan sane ketaban punika manut pararem. Yan sang madruwe wewalungan punika nenten mrasidayang nebas, wenang wewalungan punika kadrebe olih sang naban.
- (3) Prade jantos ngaletihin genah sane patut kasuciang minakadi Pura, Pamerajan/Sanggah miwah sane lianan, risampun kaparitetes olih Parajuru wenang sang nruwenang wewalungan punika kakaninin pamidanda artha lan pamrayascitta manut pararem.
- (4) Krama Desa patut nyanggra wewalungan miwah sarwa prani, tan kapatutang ngamademang paksi, nuba ulam, miwah sane sewosan. Prade wenten malaksana sakadi punika keni pamidanda manut pararem tur kaaturang ring sang ngawawenang.

Kaping 5

B h a y a

Pawos 37

- (1) Sane kasinanggeh bhaya luire :  
ha. Jiwa bhaya;  
na. Geni bhaya;  
ca. Artha bhaya;  
ra. Duracara ring agama.
- (2) Sang manggihin kahanan jiwa bhaya, patut nepak kulkul bulue mapitulung manut pawos 22 (2) aksara ta.
- (3) Prade ring Desa kahanan jiwa bhaya, patut Desane ngaturang pamrayascita ring pura desa manutin pararem tur sang mayanin kaaturang ring Sang Ngawawenang.
- (4) Prade wenten jatma mamisuh utawi nguman-uman jatma tiyos, kakenanin pamidanda beya pacamil maduluran tebasan prayascitta.
- (5) Yaning wenten jatma majengilan ring bale Banjar, ring Pura, utawi ring genah sane kasinanggeh suci, keni pamidanda manut pararem, maduluran panyangaskara prade sang majengilan kantos ngamedalang rah.

Pawos.....

Pawos 38

- (1) Sang manggihin kahanan artha bhaya (kamalingan), patut ngulkul mapitulung manut ring pawos 22 (2) aksara da utawi sang kamalingan atur supekta ring Prajuru / Dulun Desa sane pacang nimbangin utawi nandanin manut pararem, saha maweweh panyangaskara prade wenten jatma ngamaling barang sinanggah suci.
- (2) Pratingkahe mapailon ring dusta kabawos saruron, prade wenten jatma manggihin maling tan nyadokang ring Prajuru/ Dulu jantos jatma tios nyaduang, patut kadanda kadi dandaning maling, sakweh pangargan wit manut cacakan Banjar, tur prade jantos ping tiga malaksana asapunika wenang kasukserah ring sang Ngawawenang.
- (3) Prade wenten jadma ngarereh reramon, minakadi daun kelapa, ron miwah sane sewosan tanpa sadok ring sang nruwenang wit, prade kacunduk (katara) patut kadanda kadi dandaning maling.
- (4) Yening wenten jatma ngaranjing kapakubon wiadin pakarangan jatma tiyos rikala suwung, mawastu sang madruwe karang kaicalan, wenang jatma inucap katuwekang antuk madewa saksi ring Pura Bale Agung.
- (5) Mangda tan katuwekang manut sakadi ring ajeng, asing-asing ngaranjing kapakubon jatma tiyos patut :
  - ha. matengeran suwara (makaukan);
  - na. nyantos sang nruwenang karang rawuh utawi masadok ring pangapit pinih tampek, maka buatan pangaranjinge;
  - ca. pamedal karangnya kadagingin sawen, maka cihna pangarah rikala suwung.

Pawos 39

- (1) Warga Desa sane kaicalan/kamalingan prade pacang masaserep nunas babebasan miwah panuntun ring Kelihan Banjar.
- (2) Prade genahe masaserep ngalangkung ka Banjar tiwosan, patut nunas babebasan utawi uwak-uwakan ring Kelihan Banjar irika mangda tatacarane masaserep manut kadi drestane.

Pawos 40

- (1) Sahanan warga Desane prade polih nuduk barang sakaluwire mangda atur uninga ring Kelihan Banjar.
- (2) Kelihan Banjar nyobiahang barang dadudukan punika mangde sang nruwenang sida mawali ngamolihang padruweannyane. Sang mariang-kenin patut nyidayang nyinahang mungguwing barang inucap gumanti padruweannyane.
- (3) Prade jantos tigang sasih tan wenten anak ngelingin, wenang katur ring sang maraga Guru Wisesa.

Kaping.....

Kaping 6

Panyanggren Banjar

Pawos 41

Panyanggran krama Desa/Banjar rikala ngawentenang karya suka-duka luwire :

ha. Prade ngawentenang Panca Yadnya sane mabuat.

na. Ngarombo tan pa sungu sekatah ipun wantah ping tiga, selangkung ipun patut katuran pangingu.

ca. Pangingu rikala Pitra Yadnya, kaanutang ring abot dangan yadnyannyane, prade saking semeng Jantos wengi, katuran pangingu ping kalih.

CATHURTAS SARGAH

SUKERTHA TATA AGAMA

Palet 1

Indik Dewa Yadnya

Pawos 42

(1) Palinggih panyiwian sane wenten ring wawidangan Desa Adat Tumbakasa :

ha. Kahyangan Tiga : Pura Desa/Bale Agung, Pura Puseh, miwah pura Dalem lan Prajapati;

na. Panti;

ca. Pura Ulun Suwi;

ra. Pura Taman.

(2) Rahina Piodalan ring sowang-sowang Kahyangan inucap kadi ring sor:

ha. Pujawali ring Pura Puseh lan Desa kawentenang ping kalih sajeroning amasa inggih punika :

1). Pujawali Kadasa kawentenang rikala Purnama Kadasa.

2). Pujawali Ngusaba kawentenang rikala Purnama sasampun pantune ring carike kuning.

na. Piodalan ring Pura Dalem lan Prajapati kawentenang ring rahina Buda Umanis Julungwangi.

ca. Pura Ulun Suwi Aci setunggil nyungsung;

ra. Pura Taman Aci setunggil odalan ring Desa/Puseh.

(3) Pangamong ring Pura-pura inucap sakadi ring sor :

ha. Pura Desa, Puseh kasanggra olih Krama Desa Adat Tumbakasa;

na. Pura Dalem kasanggra olih Krama Desa Adat Tumbakasa lan Banjar;

ca. Pura Panti kasanggra olih Krama Desa Adat Tumbakasa;

ra. Pura Ulun Suwi kasanggra olih krama Subak Tumbakasa.

(4) Ring.....

- (4) Ring soang-soang pura inucap patut kaadegang pamangku.
- (5) Ngadegang pamangku kubayan lan panyarikan Pura manut dudonan :  
ha. Nyanjan utawi masembuang, mapiteges mapinunas ring pura wiadin ka dura Desa manawi ring Balian Konteng lan sapanunggilannya;  
na. Turunan utawi ngawaris;  
ca. Kacatri olih 1 krama Desa malarapan antuk ngaturang sedah lelekesan sane eilih tunggil ring sajeroning lekesan punika madaging pinget sane kabuatang (Pamangku miwah Panyarikan Pura). Saha upakara sergep sasampun kapiuning raris kaambil olih soang-soang krama sane ngeniang lekesan madaging pinget sane kabuatang punika wantah sane kaadegang.
- (6) Tan kawenang kaanggeang pamangku miwah panyarikan Pura luwire :  
ha. cedangga;  
na. naen ngelaksanayang Sad Atatayi;  
ca. Sang Sapa sira ugi sane tan kapatutang manut pararem.
- (7) Prabea kapamangkuan, maka miwah panyarikan Pura luwire:  
ha. Adhiksa Widhi (ngawintenang) kamedalin saha kalaksanayang olih sang ngadegang (krama);  
na. Riwekas yan prade pamangku, maka miwah Panyarikan Pura seda, wenang sang ngadegang sane kayogya ngawedalin saha muputang upakara lan upacara samé. Nanging wirangnyane ring kulawargan pamangku, maka miwah panyarikan punika taler kawenang ngalaksanayang upacara.
- (8) Pamangku patut ngamanggehang sesananing Pamangku, luwire :  
ha. Ambek Darma Sadhu;  
na. Asewaka Dharma, makadang sastra utama;  
ca. Tan Parek ring maya dusta;  
ra. Tan atayub/kongkulan ring tarub camara yudha;  
ka. Tan manjing ring umah wong banija karma;  
da. Tan manjing ring umah wong drati krama;  
ta. Tan pati pikul-pikulan;  
sa. Tan pati salah suluh;  
wa. Tan anginum asing angawe mada;  
la. Tan wenang anayub upadrawaning cor yan mawyawahara teke wenang adewa saksi;  
ma. Tan wenang ajajuden;  
ga. Tan griganing wong akweh;  
ba. Tan keneng cuntakaning wong len, sajawaning kulawarganya tunggil natar, utawi pasiwanja manut dresta.
- (9) Prade mamurug, wenang pamangku nyepuhin raga kasaksinin olih Prajuru Desa.
- (10) Yan Pacang ngawalat rabi wenang ngaturang rumuhun pawintenannya ring pura genahnya madeg Pamangku nguni, tembenya wawu ngawalat rabi riwus upacara wenang ngawana wasa salaminya atahun, wus punika wawu mawinten laki bi kadi pawintennya nguni.

Pawos 43

- (1) Pamangku lan Kubayan ngenterang upacara piodalan ring Kahyangan utawi ring soang-soang paumahan.

(2) Yan.....

- (2) Yan prade Pamangku lempas ring sesana miwah dharmaning kapamangkuan wenang katiwakin pamidanda manutin pararem.
- (3) Prade silih tunggu Pamangku : inucap kapiambeng utawi cuntaka kengin nguntap Pamangku tiwosan. Yan tan wenten Pamangku, wenang Bendesa ngamargiang Pujawali.

Pawos 44

Patias utawi olih-olihan Pamangku luwire :

- ha. Panyolongan miwah sarin canang ring soang-soang pakubon krama Desa;
- na. Luput pakaryan, rerampen/reramon, lan padagingan keni kadi patut.
- ca. Patias sewosan manut pararem.

Pawos 45

- (1) Pamangku, Kubayan miwah Panyarikan kagentosin riantukan :
  - ha. S e d a;
  - na. Pinunas ngaraga manawi kageringan lan sapanunggilannya;
  - ca. Kawusang olih Krama riantukan lempas ring sesana miwah dharmaning kapamangkuan/panyarikan.
- (2) Prade Pamangku, maka miwah Panyarikan Pura kawusang sangkaning malaksana tan patut keni pamidanda manut pararem saha ngawaliang prabeya pawintenane nguni.

Pawos 46

Kasukertan Kahyangan kadi ring sor :

- ha. Tan kalugra ngaranjing ka Pura luwire :
  - 1) Sang katiben Catur Cuntaka;
  - 2) Makta sahanan barang sinanggeh ngaletihin;
  - 3) Sato Agung sajawaning rikala mapepadan;
  - 4) Mabusana tan patut kadi tatacaraning ngaranjing ka Pura;
  - 5) Sadereng polih uwak-uwakan (Pituduh) Prajuru Desa.
- na. Pari polah sane tan kawenang ring Pura :
  - 1) Masumpah (Cor) sajawaning pituduh Prajuru Desa.
  - 2) Makebotan/makoratan, mawarih, masanggama, makolem dados asiki lanang wadon, nyangsang busananing wong, matutang wastra lan pueungan, marebat/majaljal, ngopak, mamisuh, manusu wong rare.
  - 3) Munggah tedun palinggih sajawaning pituduh Prajuru Desa.
- ca. Sang mamurug kecap ring ajeng keni pamidanda pamrayascita manut pararem.

Pawos 47

- (1) Yaning wenten anak karawuhan ring Pura kengin kapintonin, yan prade rumasa kasinangsayan. Yan tan wyakti wong inucap karawuhan wenang kakenanin pamidanda manut pararem.

Prade.....

- (2) Prade ring Kahyangan kahanan durmanggala minakadi bhaya Pamangkunia utawi sang manggihin patut digelis nyadokang ring Parajuru mangda marumang Kramanya tur ngawentenang pamerayascita sapatutnya.

Palet 2

Indik Resi Yadnya

Pawos 48

- (1) Sajawaning Pamangku, sang pacang madeg Pandita utawi Pinandita minakadi Balian Konteng, Dalang sakaluwiring jagi ngenterang yadnya patut masadok ring Bendesa miwah ring Parisadha Hindu Dharma Indonesia.
- (2) Parajuru patut ngawas nitenin tur wenang ngalangin prade wenten kacihnasan sasar kakecap miwah dresta, tur sareng nyaksinin upacara saha nyarwakang ring paruman Desa tegap rawuhing wates kawenanganya ngenter yadnya.

Pawos 49

- (1) Pamangku patut ngariyining muputang upacara ring wawidangnya soang-soang sasampun punika puput wawu dados muputang ring genahne lianan.
- (2) Krama Desa sami patut sareng ngawas nitenin katuntun olih Parajuru mangda sahanan yadnyane sane kawentenang kaicen pamuput olih Pinandita manut kawenanganya soang-soang.

Palet 3

Indik Pitra Yadnya

Pawos 50

Pamargin Pitra Yadnya madudonan manut sakadi ring sor :

- ha. Pangupakaran sang kalayu sekaran :
- 1) Upakara mapendem/sinuruping siti utawi mapendem ring geni.
  - 2) Upakara makingsan ring geni/Pertiwi.
  - 3) Upakara atiwa-tiwa (Ngaben/Palebun).
- na. Upacara piwusan Ngaben/Palebun kalanturang antuk upacara Ngarorasin lan Nyekah/Ngasti.

Pawos 51

Swadharma lan tategenan rikala wenten sinalih tunggil Krama kalayu sekaran :

- ha. Sang kaduhkitan patut :
- 1) Nyadokang ring Kelihan Banjar tur nunas tatimbang ring kawentananya;
  - 2) Ngaturin Kerama Banjar ngarombo makarya eteh-èteh sawa kadulurin panyanggra canang (Base) sasidan.

na. Swadarmaning.....

- na. Swadharmaning Kelihan Banjar :
- 1) Kelihan Banjar maritatas pamargin sang kaduhkitan napike pacang kapendem, makingsan riyin utawi lantur kaabenang;
  - 2) Prade pacang kapendem, makingsan utawi kaabenang, panagariyin i Klian Banjar patut nunasang indik dudonan pamargi utawi padewasane ring Jero kubayan, sasampune tinas raris katepakang kulkul manutin pawos 22 (2) aksara ca olih Klian Banjar utawi patajuhnya.
- ca. Penyanggran i Krama Banjar salanturnya yan prade mapendem utawi makingsan inggih punika :
- 1) Beras manut pararem;
  - 2) Jinah manut pararem;
  - 3) Ngaryanin upakara lan eteh-ete sawa;
  - 4) Ngater ka setra gumentos puput papendem utawi mageseng.
- ra. Tan dados ngalelet langkungan ring 3 (tigang) sajawaning Pamangku Kahyangan Tiga lan Panyarikan Pura.
- ka. Tan kalugra nginepang bangbang miwah mendem rikala:
- semut sadulur,  
kala gotongan,  
Pasah,  
Kliwon, kajeng Kliwon,  
Soma, Umanis, Taulu,  
Was panganten,  
Ingkel wong,  
Prawani, Purnama, Tilem,  
Rerahinan jagat.
- da. Prade wenten kalayu sekaran rikala piodalan, kengin mendem tanpa sadok, tan nyuwarayang kentongan/kukul tur mamargi wengi/sasiliban utawi ka setra siosan ( setra pakingsan ).
- ta. Pamargin pamendeman utawi palebonan mangda nganutin sastra agama lan dresta.

Pawos 52

- (1) Sane kasinanggeh kacuntaka sakadi ring sor :

- ha. cuntaka antuk kalayu sekaran;  
na. cuntaka antuk ngeraja swala;  
ca. cuntaka antuk ngembasang putra;  
ra. cuntaka antuk karuron;  
ka. cuntaka antuk sakit ila, buduh;  
da. cuntaka antuk pawiwahan;  
ta. cuntaka antuk gamia gamana;  
sa. cuntaka antuk salah timpal;  
wa. cuntaka antuk yening wenten anak istri mobot nenten kaupakarayang pabiukawonan miwah pawidiwidana;  
la. cuntaka antuk mamitra ngalang;  
ma. cuntaka antuk yaning wenten anak istri ngamedalang putra sadurunge maupakara pabiukawonan miwah pawidiwidana;  
ga. cuntaka antuk sad Tatayi.

(2) Sengker.....

(2) Sengker cuntaka manut kawentenannya:

- ha. cuntaka kalayu sekaran, cuntakanya kaanutang ring loka dresta Desa Adat soang-soang;
- na. cuntaka ngaraja swala, 3 rahina ngawit saking ngeraja swala utawi salamining ngeraja swala;
- ca. cuntaka ngembas putra, 42 rahina (abulan pitung rahina) ngawit saking putrane embas, utawi ngantos sampun kaupakarayang makakambuhan lan maperayascita manut sastra Agama, lanang wiadin istri, kulawarga tunggil natah 12 rahina;
- ra. cuntaka karuron, cuntakanya abulan pitung rahina (42 rahina) tur sampun matirta pamerayascita;
- ka. cuntaka sakit ila, buduh/edan, cuntakanya manut ilikita pastika saking Sang Ngawawenang/sang nambanin miwah sampun mrayascita raga;
- da. cuntaka pawiwahan, cuntakanya ngatos sasampune matirta pabiukaonan lan makandal ring Pura Puseh;
- ta. cuntaka gamia gamana, cuntakanya ngantos sesampune kapalasang/kasapihang tur sampun kawentenang pamrayascita raga miwah pamrayascita Desa Adat/Kahyangan;
- sa. cuntaka salah timpal kapuputang manut ring sastra Agama Hindu;
- wa. cuntaka anak istri mobot nenten kawentenang upakara pabiukaonan, cuntakanya ngantos kawentenang upakara pabiukaonan;
- la. cuntaka mamitra ngalang, cuntakanya ngantos kawentenang upakara pabiukaonan;
- ma. ngembasang putra nenten kawentenang upakara pabiukaonan miwah pawidiwidana, cuntakanya ngatos wenten sane mameras sang putra, lan sampun kawentenan upakara manut ring sastra Agama Hindu;
- ga. cuntaka Sad Tatayi, cuntakanya ngantos sampun maperayascita raga tur nenten pisan dados ngamungganghang upakara padwijatian.

(3) Cuntaka kalayu sekaraan/kapademan :

- ha. Kapendem cuntakanya :
  - 1) cuntaka/sebel kabanjar ngantos 5 rahina riwusnya mendem/manut dresta utawi sasampun polih pamrayascita.
  - 2) kulawargania sajeroning pakarangan ngantos 21 rahina/manut dresta.
- na. Kaabenang cuntakanya :  
Sang nyambut karya Pitra Yadnya cuntakanya ngawit saking nyambut padewasan karya, wusan mapegat kalanturang malih tigang rahina.

(4) Sane katiben cuntaka luwire :

- ha. Kalayu sekaran sane kacuntaka :
  - 1) sang sane kalayu sekaran;
  - 2) kulawarganya;
  - 3) babanjaran;
- na. Ngraja swala sane kacuntaka :  
- Sang sane ngrajaswala.

ca. Ngembas.....

- oa. Ngembas putra sane kacuntaka :
  - Kawulawargania sane ngembasang putra lanang wiadin istri.
- ra. Pawiwahan sane kacuntaka :
  - Sang sane ngalaksanayang pawiwahan lanang wiadin istri.
- ka. Sakit ila/buduh, sane kacuntaka raganya dawak.
- da. Karuron sane kacuntaka:
  - Kawula warganya lanang wiadin istri.
- ta. Gamia gamana sane kacuntaka :
  - 1) Sang sane ngalaksanayang gamia gamana;
  - 2) Desa Adat nyane.
- sa. Salah timpal sane kacuntaka :
  - 1) sang sane malaksana salah timpal;
  - 2) kulawarganya;
  - 3) Desa Adat/Kahyangan.
- wa. Anak istri mobot nenten kawentenang upacara pabiukaonan sane kacuntaka :
  - Sane maraga istri (sane mobot)
- la. Mamitra ngalang sane kacuntaka :
  - Sane ngalaksanayang mamitra ngalang.
- ma. Ngembas putra nenten kawentenang upacara pabiukaonan miwah upakara pawidi-widana sane kacuntaka :
  - 1) Sang sane ngembasang putra;
  - 2) Putra sane embas.
- ga. Sad Tatayi, sane kacuntaka :
  - Sang malaksana Sad Tatayi.

(5) Tan keneng cuntaka, luwire :

- 1) Sang sulinggih lan Pamangku Kahyangan tiga;
- 2) Rikala piodalan risampun ngalang sasih/ngalang tengah.

Pawos 53

(1) Attiwa-tiwa (pangabenan) kalaksanayang antuk :

- ha. Sawa prateka, pangabenan mawatang sawa;
- na. Sawa resi, pangabenan mawatang antuk sawa kresyan;
- ca. Suwasta, pangabenan mawatang sawa sane tan kakeniang, kagentos antuk lalang utawi toya.

(2) Pamargin atiwa-tiwa makadi ring sor :

- ha. Sajeroning tigang warsa wenang ngawangun/ngaben wantah apisan, sakemaon yaning yaning wenten mapendem langkungan ring amasa patut katiwakin tirta pangentas;
- na. Yaning pamangku kahyangan/selengan lan panyarikan pura wenang kamargiang patatiwan satunggil seda, tan wenang pinendem;
- ca. dudonan patatiwan ngawit saking wawu seda utawi ngulapin ngeseng jantos pangiriman.

Pawos 54

Patus lan panyanggran Banjar :

- ha. pawedal patus saking i krama Banjar inggih punika :
  - 1) beres patus kaanutang ring katah/kidik kakedengan banjare riantuan punika kaangge panyanggran banjar;
  - 2) Ayam (pitik) manut pararem;
  - 3) Geeing manut pararem.

na. kakaryan.....

- na. kakaryan sane dados amongan i krama Banjar:  
1) Eteh-ete upacara lan upakara sawa;  
2) Wadah lan patulangan;  
3) Ngater ka setra saha nglaksanayang sahananing karya sane wenten kilitan ipun ring patatiwan inucap ring ajeng gumentos puput.
- ca. Pangingun banjar :  
Mungging pangingu ring i krama Banjar wantah kaanutang ring abot dangan kakaryane saha taler kaanutang ring pararem.

Pawos 55

Indik sesaradan :

Sajeroning ngambil kakaryan sane mabuat, bilih-bilih sane mustang pangarombo sane katah, kawenang nyarad kulawarga Desa Adat, sakemawon kaanutang ring agung alit kakaryane. Silih tunggil kakaryan sane kawenang nyarad warga Desa/Banjar inggih punika rikala ngawentenang Panca Yadnya, ngingsirang umah, gelebeg/lumbang miwah sane lian-lianan, sane kasinanggeh mabuat inggih punika :

- ha. Sajeroning ngamargiang patatiwan wenang nyarad :  
1) krama Banjar sami lanang istri rawuhing Taruna Taruni lan robania sami;  
2) krama banjar sami lanang istri lan sekaa Taruna-taruni;  
3) krama banjar sami lanang istri.
- na. Sajeroning ngamargiang Panca Yadnya taler kaanutang ring sor singgih yadnyane sane kamargiang saha pinunas sang madruwe yadnya lan panyanggrania.

ca. Nyarad rikalaning ngingsirang umah, gelebeg/kerumpu miwah sane lian-lianan taler kaanutang ring abot dangan kakaryane tur panyanggrania.

palet 4

Indik Manusa Yadnya

Pawos 56

- (1) Manusa Yadnya inggih punika upacara-upakara dharmaning kahuripan manusa, ngawit sakeng patemoning kama bang kalawan kama petak sajeroning garbha ngantos seda.
- (2) Upakara ring ajeng madudonan sakadi ring sor :

- ha. magedong-gedongan ;  
na. duk sang kamareka medal;  
ca. kepus odel;  
ra. roras rahina;  
ka. tutug kambuhan (42 rahina);  
da. tigang sasih ( 3 sasih );  
ta. pawetuan/otonan/odalan (6 sasih);  
sa. tutug kelih (ngeraja swala wadone, ngembakin lanange)  
wa. matatah/mapandes;  
la. mawiwaha/nganten;  
ma. mawinten.

(3) Upacara.....



- (2) Brata panyepian sane kamargiang olih krama Desa Adat Tumbakasa Luwire;
- ha. amati geni;tan kengin maapi-api;
  - na. amati karya;tan kengin nyambut karya;
  - ca. amati lelanguan, tan kengin maoneng-onengan, masuwara gora,lan sapanunggalannya.
  - ra. amati lelungan,tan kengin medal saking puri utawi umahnia soang-soang.
- (3) Pabratan inucap kamargiang sakeng semeng ngantos semeng benjangne/ndag surya raris kasuwarayang kulkul punika cihna pangembak.
- (4) Sang mamurung kecap ring ajeng keni pamidanda manut pararem kamargiang olih patelik (pacalang Desa).
- (5) Riwus rahina Nyepi (benjangne) maka cihna pangawit Isaka Warsa, patut sowang-sowang warga Desa maturan ring marajan ngalantur masimakrama/madharma Santi.

PANCAMA SARGAH

SUKERTA TATA PAWONGAN

Palet 1

Indik Pawiwahan

Pawos 59

- (1) Pawiwahan inggih punika patemon purusa kalawan pradana, malarapan panunggalan kayun suka lila kadulurin upasaksi sakala niskala.
- (2) Pamargin pawiwahan luwire :
- ha. Pepadikan, kamanggala antuk pakrunayan;
  - na. Ngarorod, marangkat riyin wawu kakrunayang;
  - ca. Nyeburin riantukan wadone manggeh sentana rajeg.
- (3) Pidadab sang pacang mawiwaha patut :
- ha. sampun manggeh daha - taruna (prasida nganutin Undang-undang);
  - na. sangkaning pada rena (tan kapaksa);
  - ca. manut kecap sastra Agama ( tan gamia gamana );
  - ra. kawisudayang (sudi wadani) prade pangambile tiwos Agama, miwah kapatiwangi.
- (4) Pamargin pawiwahan mangda taler nganutin Undang-undang Perkawinan sakeng Sang Ngawawenang.

Pawos:.....

Pawos 60

- (1) Pawiwahan sane kapatutang ring Desa Adat Tumbakasa, sakadi ring sor :
- ha. sampun kamargiang pabyakala utawi pasakapan, kasaksiang sakala niskala olih Pinandita;
  - na. wenten pasaksi Prajuru sane ngilikitayang sang mawiwaha;
  - ca. sampun matengeran suwaran kulkul;
  - ra. sampun kailikitayang ring sang ngawawenang.
- (2) Parabian sane tan manut kadi kecap ring ajeng sinanggeh tan patut.

Pawos 61

Tata polahe marabian patut ipun sakadi ring sor :

ha. Sapa sira ugi-pacang ngawarangang pakulawarganya patut masadok ring Prajuru, salanturnya Prajuru maritatas manut tan manut pamargin parabiane;

na. pamargin pepadikan manut dudonan :

1) ha) kaprathama antuk sedah sajangkepnyane maka tatakan pakrunan;

na) kaping kalih taler antuk sedah saha polahe makadi ring luhur sakemawon maweweh antuk canang sesantun lan ajuman maka tatakan atur piuninge ring sanggah wadone, yan prade pakrunane sampun katerima olih kulawarga wadone.

ca) kaping tiga polahe taler pateh sakadi sane kaping kalih sakemawon upakara pajati matatujon majatiang sang kakrunayang mapamit ring Bhatara-Bhatari lan Dewa Hyangnyane. Ngawit saking rahina punika sang kakrunayang nenten kantun kakuwub olih kulawargania, duwaning sampun kaambil olih sang maraga purusa. Salantur ipun risampun rawuh padewasane raris kalanturang antuk upacara pawarang-warangan.

Upacarane sane pinih untat mantuke ring kulawarga wadone wenten sane mawasta mararapan utawi magagapan inggih punika antene lanang wadon saha katututin olih kulawarganya budal kaumah wadone pecak saha makta rarapan marupa anaman bantal sane pacang kawehon kulawarga wadone saha canang daksina ajuman sesantun lan jauman sane jaga katur ring sanggar kulawarga wadone.

ca. Prade ngarorod/ngarangkat patut :

1) reraman lanange ngawentenang pamilaku malarapan antuk duta sakirangnya 2 (kalih) diri midartayang ring reraman wadone sane karangkatang;

2) pagenahan antene tan kengin ring dunungan/paumahan sang lanang sadereng mabeyakala.

ra. Sajeroning pakrunayan/pangelukuan patut :

1) kamanggalain antuk geng sinampura ring reraman wadone;

2) kaigumang bawos idih pakidih utawi palegayan arep ring pasewakan sang ngidih saha dewasa pawarangane riwekas;

3) kacihnayang.....

- 3) kacihnayang indik kapurusane prade wadone kaajegang dados kapatut lanange sane kaedih kabawos pawiwahan nyeburin;
- 4) prade pamalepehe tan katerima pakrunane taler kamargiang jantos ping tiga salantur ipun pawarangane manggeh kamar-giang;
- 5) pakerab-kambeyan mapiteges upacara tinas apadang (puput) mapakuren, dwaning manut sakadi: sajeroning kabawos ambe kalaksanayang ring sakala niskala antuk sarana jauman miwah widhi widhana sakadi :
  - ha) jejauman pinaka ngambe/ngadungang kayun soang-soang pakulawangan wadone;
  - na) widi widana pajati satmaka pajatiang sajeroning niskala nuhas wadone ring Pamrajannya.
  - ca) Ngaturang Widi widana Pakandelan ring Pura Puseh matatu-wek mangda kalugra makandelin Idha Bhatara saha dados munggah ring Bale Agung saha kasaksinin olih Prajuru.
- 6) Sajeroning bawos kerab pamargi ring sakala:
  - ha) antuk panyaksi Krama Banjar, dwaning kaparabiang malarapan tengeran swaran kulkul;
  - na) pamekas pasaksi Prajuru sane ngilikitayang.

Palet 2

Indik Nyapian

Pawos 62

- (1) Parabiane/pakurenane prasida kawusang malarapan antuk palas silih tunggil padem/seda.
- (2) Palas parabiane wenten kalih pawos inggih punika sangkaning pada lila miwah mawiwi wicara.
- (3) Sang ayat palas marabian patut atur sepekse rihin ring sang rimawos risampun tinas apadang pamutuse kabawos nyapian wawu prajuru nyarwakang kawentenannya ring Desa Saha kakaninin pane-bas swaran kulkul manut pararem.

Pawos 63

Tata cara palas parabian sakadi ring sor:

- ha. pagunakayan polih pahan pada;
- na. pabekel, tadtadan soang-soang kakuasa niri-niri miwah warisan kawawa olih sang manggeh purusa;
- ra. nyekolahang miwah ngupapira pratisentana manut swadarmaning guru rupka patut kalaksanayang olih Guru rupaka;
- ka. nawur pamidanda panebasan swaran kulkul manut pararem.

Pawos 64

Prade riwekas sang palas kacihnann adung malih, patut :

- ha. ngalaksanayang pawiwahan malih;
- na. keni pamidanda nikel saking palase yadiaastun wit palase pecak sangkaning pada lila.

Pawos.....

Pawos 65

(1) Sang balu kabinayang dados kalih:

- ha. balu istri wit sentana (sentana rajeg) miwah balu istri boya sentana;
- na. balu lanang kapurusa (wit sentana) miwah balu nyeburin (boya sentana).

(2) Swadharmaning balu inucap patut :

- ha. ngamanggehang patibrata tan kengin malaksana paradara/drati krama;
- na. nguasayang waris pagunakayan, tan dados ngadol, ngadeang, makidihang lan siosan punika, sajawaning polih kabebasan saking wekania utawi kulawargania sane pinih tampek sakeng purusa yan prade wekania kantung alit-alit;
- ca. kengin ngidih sentana prade wenten pidabdab sadurung sinalih tunggil lampus, saha kabebasan olih kulawarganya sane kasinanggehang kapurusa;
- ra. kawenang malih mawiwaha, prade wenten kabebasan manut aksara na ring ajeng.

Pawos 66

Balu kaucap tan pageh sakadi ring sor :

- ha. daratikrama utawi paradara;
- na. matilar saking pakubon tan pasadok jantos 6 (enam) sasih;
- ca. lempas ring swadharma sewos-sewosan, tan prasida ngesehin solah maprawerti arep ring pituduh sane patut sakeng kulawarga purusa.

Palet 3

Indik Sentana

Pawos 67

- (1) Sentana wenten tigang pawos, sane kaucap pratisentana lanang pratisentana wadon (rajeg) miwah sentana paperasan.
- (2) Pratisentana inggih punika sentana sane metu saking pawiwahan kapatut.
- (3) Prade pawiwahan tan kapatut ngawetuang sentana, mangda tan kantung kawastanin babinjat utawi astra yogya patut kamanggalain antuk panyangaskara.
- (4) Prade pawiwahan tan ngawetuang sentana kengin ngidih sentana antuk upasaksi sakala niskala sane kawastanin sentana paperasan.
- (5) Sentana rajeg inggih punika, pratisentana wadon (pradana) sane kamanggehang lanang (purusa) tur risampun ngalaksanayang pawiwahan kaceburin.

(6) Sang.....

- (6) Sang sane dados kaarsayang sentana rajeg inucap wiwit angka (5), inggih punika :
- ha. Pratisentana wadon tunggal;
  - na. Sampun kamanggehang dados pratisentana lanang (purusa);
  - ca. Kapawiwahang kaceburin kautamayang olih jadma sane maagama hindu utawi jadma sane maagama siyosan sane sampun ngalaksanayang pamarisuda raga utawi sudiwadani;
  - ra. Sane ngamanggehang sentana rajeg patut mapasadok ring Prajuru Banjar, tur I Klian Banjar patut nyobyahang ring Banjar saha ngaturang ring Prajuru Desa Adat.

Pawos 68

- (1) Ngadegang sentana manut dudonan patut masrana antuk upakara pamerasan sane kesaksiang sakala-niskala;
- (2) Sapa sira ugi krama pacang ngidih sentana patut masadok ring Bendesa sanistana 3 (tigang) sasih sadereng pamerasan.
- (3) Bendesa kasuksukin olih klian Banjar mangda digelis nunasang ring sang ngawawenang pungkuran nyarwakang ring wawidangan Desane sang sapa sira ugi rumasa tan lila mangda digelis nyadok kang sakirangnya masenger kalih wuku (14 rahina) sadereng pamerasan ring Bendesa Adat.
- (4) Prajuru Desa digelis mawosin saha ngicenin pamutus nepek ring catur dresta miwah pararem;
- (5) Prade sulur paperasan tan manut kadi kecap ring ajeng, Prajuru Desa wenang ngandeg sang pacang mameras saha ngicenin pamutus mangda kapuputang riyin babawosne, sulur utawi wicaranya.

Pawos 69

- (1) Paperasan sane sampun kabawos kapatut ring Desa Adat Tumbakasa inggih punika risampun makacihna :
  - ha. Ngalaksanayang Widi-widana paperasan;
  - na. Kasaksinin olih prajuru Desa sane jaga ngilikitayang.
  - ca. Kajarwakang ring wawidangan Desane.
- (2) Sane kapatut peras angge sentana kadi ring sor:
  - ha. Nginutin Agama Hindu.
  - na. papernahan nedunang saking sang meras ;
  - ca. Kulawarga saking purusa, prade tan wenten kengin sakeng wadon, yening taler tan wenten wawu kangin saking anak lianan;
- (3) Kengin ngadegang sentana langkungan ring adiri, lanang wiadin wadon, prade ngadegang sentana lanang wadon, nenten dados kapawiwahang.

Palet.....

Palet 4

Indik Warisan

Pawos 70

- (1) Warisan inggih punika tetamian arta berana saha ayah-ayah ngupadi kasukertan sakala lan niskala saking kaluhurannya arep ring turunannya.
- (2) Kang sinanggeh warisan luwire:
  - ha. Duwe tengah, makadi tegal, ayahan Desa, Kahyangan, pusaka siwa pakarana lan sapanunggalanya;
  - na. Pamerajan;
  - ca. Pagunakayan, tadtadan / jiwa dana, hutang piutang.
- (3) Wawu kengin kabawos warisan prade wenten :
  - ha. Sang mapiturun ( pawaris ) ;
  - na. Katurunan ( ahli waris ) ;
  - ca. Arta berana miwah tategenan makacihna warisan.

Pawos 71

- (1) Sang kasinanggeh Ahli waris luwire :
  - ha. Pratisentana purusa ;
  - na. Pratisentana pradana (sentana rajeg);
  - ca. Sentana paperasan lanang/wadon.
- (2) Prade tan wenten sakadi ring ajeng, kang sinanggeh ahli waris inggih punika:
  - ha. Turunan purusa pernah ngunggahang, rerama lanang, pekak salantur ipun rerama misan, mindon;
  - na. Turunan purusa pernah kasamping makadi kaponakan misan, mindon.

Pawos 72

Swadharmaning alih waris patut :

- ha. Nerima saha nguwasayang tetamian pahan saking kaluhurannya, makadi mrajan/sanggah, Pura saha pangupakaranya miwah nyelidihinin ayah-ayahan pawaris;
- na. ngabenang pawaris saha ngalanturang upacara-upakara pitra Yadnyania.
- ca. Nawurin hutang - hutang pawaris sane manut pangeloika.

Pawos 73

Pangepahan waris manut sakadi ring sor :

- ha. Risampun kalakeanayang Pitra Yadnya lan hutang-hutang pawaris buntas katawur;

na. Para.....

- na. Para ahli waris polih pahan artha brana sangkaning pagunakayan, lan ayah-ayahan pada-pada kemawon ayah-ayahnia kengin magenti-genti;
- ca. Sinalih tunggil ahli waris kengin tan polih pahan prade:
- 1) Nilar kawitan lan sesananing Agama;
  - 2) Alpaka guru rupaka;
  - 3) Sentana rajeg kesah mawiwaha utawi dados pratisentana nyeburin, soang-soang kabawos ninggal kadaton.
- ra. Boya ahli waris dados taler polih upon-upon manut dudonan lu-wire:
- 1) Sentana luh salami dereng kesah mawiwaha utawi tan alpaka guru, prade madrebe pianak tan kaangkenin olih wong tua rare inucap, kengin ngawaris wantah pikolih pagunakaya sentana luh inucap kemawon;
  - 2) Balu luh wiadin muani nyeburin (soang-soang boya sentana);
  - 3) Mulih daha utawi taruna, riantukan ring pawiwahane pecak sampun kabawos ninggal kadaton taler nenten kantung kasungguh mawiwaha.

Pawos 74

- (1) Prade ring sajeroning pakulawargan wenten ahli waris langkungan ring adiri patut :  
ha. kawntenang paigum indik pedum waris inucap;  
na. yen tan prasida katunasang tatimbang ring Prajuru kengin katumusang ring sang rumawos.
- (2) Prade jantos karang desa kaepah utawi kasepih patut soang-soang nedunin makrama Desa Ngarep taler kengin maganti.
- (3) Prade karang inucap kaputungan patut prajuru nibakang ring :  
ha. sang sinanggeh ahli waris manut pawos 71;  
na. sang kengin anggen sentana manut pawos 70;  
ca. prade taler tan wenten cumpu ring panepas Kerta Desa, kengin katumusang ring sang Rumawos.

SAT SARGAH

WICARA LAN PAMIDANDA

Palet 1

Indik Wicara

Pawos 75

- (1) Sane wenang mawosin makadi mutusang wicara ring Desa inggih punika Prajuru Desa sinanggeh Kerta Desa.
- (2) Prade sang mawicara tan wenten cumpu ring pamutus Kertha Desa kengin nunasang wicara inucap ring sang Rumawos.

Pawos.....

Pawos 76

- (1) Sahanan wicara mawiwit kacorahan saka luwire sinanggeh nungkasin daging Awig-awig, pararem miwah paswaran Desa/Banjar, Prajuru patut digelis mawosin tan nyantos pasadok.
- (2) Sajaba wicara kadi ring ajeng patut nyantosang pasadok sang nunas bawos.
- (3) Panepase patut pastika nyantenang iwang patut malarapan Tri Framana ( saksi, ilikita, bukti ) miwah tan maren nepek ring Catur Dresta.

Palet 2

Indik Pamidanda

Pawos 77

- (1) Desa/Banjar wenang niwakang pamidanda ring warga Desa/Banjar sane sisip.
- (2) Patiwak inucap kalaksanayang olih Bendesa/Klian Banjar.
- (3) Bacakan pamidanda luwire :
  - ha. ayahan panukun kasisipan;
  - na. danda arta;
  - ca. rerampagan;
  - ra. panyangaskara;
  - ka. kadaut karang ayahan;
  - da. kanorayang.
- (4) Pamidanda sane katiwakang patut masor singgih manut ring kasisipane.
- (5) Jinah utawi raja brana pamidanda ngaranjing dados druwen Desa/Banjar.
- (6) Sahananing rancangan/bebawos utawi kakaryan sane sampun kamang-gehang tur kaingkupin ring paruman olih I Krama Desa/Banjar mawastu wenten silih tunggil krama sane ngucapang rancangan/bebawos utawi kakaryan punika nenten patut wong inucap kakaninin pamidanda pacamil manutin pararem.

Pawos 78

- (1) Krama sane langkungan ring tigang paruman ngalantur tan nawur paturunan miwah dadandan wenang karampag.
- (2) Polahe ngarampag tata caran ipun sakadi ring sor :
  - ha. Kalaksanayang olih Prajuru kasarengin olih Krama desa saake-
  - ha. tigang diri maka saksi;

na. sang.....

- na. Sang ngarampag sangkanin darsana ngambil barang utawi nyawenin tanem tuwuh, akehnya manut ring pangargan hutang sang karampag. Sang karampag sangkanin darsana nyukeerhang barangnyane pinaka wala.
- ca. Prajuru miteketang mangda barang-barang sane karampag digelis katebus, masenger awuku (7 rahina) ring kutus rahinane pacang kaadol;
- ra. Tan nganinin saluwir barang sane patut inggilang manut Agama miwah tan mademang pangupa jiwa sang karampag.

Pawos 79

- (1) Prade sang pacang karampag ngawara (ngalangin) palaksanaan inucap mawastu sampun tan nganutin Awig-awig Desa wenang karang Desa sane kagenahin kadaut olih Desane.
- (2) Samaliha yen purun taler ngalangin palaksanaan kadi ring ajeng tan wenten pamargi sajawaning kasepekang olih Krama Desane.
- (3) Pamidanda inucap ring ajeng keni buntas risampun sang kakeninin :
  - ha. nunas geng pangampura ring Krama Desa riantukan nguak pasubaya (pararem) pecak;
  - na. nawur pangargan panguak pasubayane duk pacang karampag kadulurin pamrayascitta panyapsap kaiwangane ring Desa.

Pawos 80

- (1) Paruman Desa utawi Banjar patut ngamedalang pararem-pararem anggeang mategepin daging awig-awig.
- (2) Daging sahanan pararem patut saeloan ring daging awig-awig.
- (3) Sane patut kaungguhang ring pararem minakadi ipun :
  - ha. Dewasa ngawitin kasobyahang daging awig-awig lan sane mabuat;
  - na. Rarincikan bacakan daging awig-awig sane mabuat;
  - ca. Agung alit pamidanda panikel-panikel lan salantur ipun;
  - ra. Tata sulur ngamargiang daging awig-awig;
  - ka. sehanan indik sane siwosan sane wenten kilitan ipun maka pamitegep daging awig-awig punika.
- (4) Paruman Prajuru tan maren patut :
  - ha. Saeloan ring daging Awig-awig lan pararem-pararem;
  - na. Manut ring Adat Agama Sastra Loka miwah Desa Dresta;
  - ca. Pastika nyantenang dewasa pangawit pamarginia;
  - ra. Nyantenang Agung Alit Pamidandania van kapurug.

SAPTAMA SARGAH

NGUWAH - NGUWUHIN AWIG - AWIG

Pawos 81

- (1) nguwah-nguwuhin Awig-awig Desa puniki kalaksanayang ring paruman Desa.

(2) Awig.....

- (2) Awig-awig puniki kamargiang ngawit kaingkupin (kararemin).

Pawos 82

- (1) Sakaluwirin sane pecak sampun naen wenten patut kaanutang ring sadaging Awig-awig puniki.
- (2) Sakaluwiring sane durung kaunggahang sajeroning Awig-awig puniki patut kalaksanayang manut tata cara sane sampun katah mamargi kadulurin antuk pararem-pararem.

ASTAMA SARGAH

SAMAPTA

Pawos 83

Bendesa/kelihan Banjar rikala ngamargiang daging awig-awig miwah usaha Desa patut tan maren :

- (1) Saoloan utawi mawirasa ring sahanan prajuru sane taler nyarengin dados pangoreg warga desane minakadi Kelihan Banjar lan Pekaseh.
- (2) Ngawentenang salah mantuka ring warga Desa mangda warga desane polih ngupadi pangupajiwa nincapang pangaweruh miwah usaha niri-niri siwosan.


Pawos 84

- (1) Awig-awig puniki kasobyahang duk rahina Budha Kliwon Wara Matal titi pangelong apisan, saasih Kapitu Rah 4 tenggek 12 Saka 1912 Tanggal masehi 2 Januari 1991 ring Jaba Pura Puseh Tumbakasa.
- (2) Awig-awig puniki kalingga tanganin olih Bendesa , kasarengin Klian Banjar Adat , saha kasaksinin olih Kepala Dusun lan Kepala Desa Sebatu.
- (3) Luwir sang ngalingga Tanganin :


ha. Kaprathama Prajuru Adat :




2. Klian.....


 Klian Banjar Tumbakasa  
 KEC. TEGALLALANG  
 I Wayan Sukanata  
 DESA SEBATSU

na. Kaping kalih Prajuru Dinas pinaka saksi :



 Kepala Dusun Tumbakasa  
 KEC. TEGALLALANG  
 I Wayan Sukanata  
 DESA SEBATSU


 2. Kepala Desa Sebatu  
 KEPALA DESA SEBATSU  
 GDE Rio Wiryawan  
 Kecamatan Tegallalang


 Camat Tegallalang  
 CAMAT TEGALLALANG  
 Drs. I Dewa Putu Pariwesa  
 GIANYAR

Mengetahui dan telah dicatatkan

Pada tanggal : 8 Nopember 2000  
 N o m o r : 25 Tahun 2000


 BUPATI GIANYAR

TJOKORDA GDE BUDI SURYAWAN, SH.